

Troccas el stil da Ramona Deplazes

Ramona Deplazes ei oriunda da Surrein. Ella viva a Cuera e leu ha la dunna giuvna da 27 onns fundau igl onn vargau – ensemen cun *Simara Bernardo* da Maiavilla – la fatschenta «mera Grafikdesign». Da ses geniturs che possedan ina garascha d'autos a Surrein ha Ramona Deplazes survegniu l'incumbensa da crear «novas» hartas da troccas. Quei sco regal da Nadal per la clientella sil 15avel giubileum. Cuppas, spadas e rosas – ils maletgs ein restai aschia sco tier las hartas originalas. La graficra ha denton midau empauet las proporziuns dils maletgs. Las troccas han survegniu in redesign e paran aschia pli noblas. Ellas ein «romontschas», meins coloradas che las veglias e paran aschia pli finas. Cun quei che las hartas portan il logo da fatschenta da «Leci da motors» ein ellas buca venalas. Il resun sillas troccas novas ei denton ordvert positivs e Ramona Deplazes sa s'imaginar da crear in giug cuagl agen logo. Sch'igl interess vegni aunc pli gronds fussi quei in'opziun. (fmr/sr) **Pagina 6**

«Lingia per lingia hai jeu malegiau novas hartas da troccas»

Dapi la fin digl onn vargau dat ei novas hartas da troccas en sursilvan. La graficra Ramona Deplazes ha realisau in redesign ed il resultat ein hartas empau pli noblas, meins coloradas e cun maletgs pli fins e figuras cun proporziuns pli bufatgas che las enconuschentas.

SUSI ROTHMUND/FMR

Las hartas da troccas ha *Ramona Deplazes* astgau realisar sin incumbensa da ses geniturs che possedan ina garascha a Surrein. Pil 15avel giubileum ha «Leci da motors» regalau alla clientella las troccas sin Nadal. Ellas ein pachetadas en ina scatola da cartun che cuntegn in teppi ed in cudischet cun la descriziun dil giug, reglas ed in pign vocabulari dil tschintschar duront dar troccas.

Damai che buca tuts san dar troccas ha Ramona Deplazes era aschuntau las reglas dil giug «Il mund sutsu», quei seigi in giug ch'ei era adattaus per affons e



Las hartas da troccas el stil dalla graficra Ramona Deplazes fan buna pareta. FOTOS MAD



Ramona Deplazes cul set da troccas.

na. Savens maunchien denton las ulteriuras treis persunas per dar in giug. Cullas hartas novas hagian els fatg in'emprova en famiglia: «Propi lunsch essan nus buca vegni, igl ei gia ina sfida da tener tut quellas hartas enta maun. Jeu sun vegnida sil gust ed emprovel segir puspei inaga.»

Product da nischa

Lingia per lingia ha Ramona Deplazes malegiau cun in program da malegiar las hartas. Biaras uras e dis eis ella stada fatschentada culla lavur. Silla scatola e silla vart davos dallas hartas datti in design ch'ei inspira us ord elements dallas

per emprender d'enconuscher las hartas da troccas.

En mintga cass

Sco gag datti era l'opziun da dar il giug «En mintga cass». Quei ei in giug semegliant al pèschaletg e per quei intent datti l'orgavla hartha che muossa in maun d'in mecanist cun ina clav. «Nus havein adattau empauet las reglas. La finamira ei d'haver sco davos la hartha cul maun, quel che ha lezza gudogna», declara Ramona Deplazes. «Troccas ei in giug cun tradiziun che vegneva daus savens e bugen dil tat. Jeu hai denton mai propi dau, suenter haver creau las troccas e scret il carnet aschuntau manegiel jeu denton da saver co ei va», aschia la dun-

Cun «mera Grafikdesign» en l'indipendenza

Igl onn vargau han las giuvnas graficras *Ramona Deplazes* da Surrein e *Simara Bernardo* da Maiavilla ughiegiau da far il pass en l'indipendenza. Ellas han fundau la «mera Grafikdesign» cun sedia a Cuera e sco Ramona Deplazes di, ei quei stau ina buna decisiun ch'ei han aunc deplorau buc in di. «Nus luvravan ensemen tier in'interpresa e havein percurschiu che nus formein in ferm team, collavurein fetg bein ensemen e secumpletein. Suenter in onn luvrar sur sesezas havein nus gia dabia incumbensas ed

astgein realisar bials ed interessants projects per nossa clientella.»

Creativitat

«En nies contuorn da lavur han dabia persunas giuvnas fundau fatschenta. Sper biars auters motivs ha era quei dau empau curascha da far il pass en l'indipendenza», di Ramona Deplazes ch'ei oriunda da Surrein. La dunna da 27 onns ha oriundamein empiriu da dessignadra da planisaziun dil territori. Duront quei emprendissadi da quater onns

ha siu meister d'emprendissadi svegliu ella giuvna il plascher per la fotografia e la grafica. «Jeu erel gia adina creativa e hai giu il desideri da luvrar a moda creativa. Suenter ch'jeu hai scuvertg la fotografia hai jeu fatg in praticum sco graficra avon ch'entscheiver il secund emprendissadi. Suenter gl'emprendissadi da graficra hai jeu luvrau in onn e lu beinspert fundau cun Simara nossa fatschenta. En duas va quei meglier che persula, aschia han ins adina enzargi che cusseglia, sustegn e critichescha.»

hartas originalas. Quel semeglia empau in tattoo ed el center figurescha il logo da «Leci da motors». Ord quei motiv ein las troccas buca venalas. «Troccas paran propi d'esser el trend. Nus havein gia survegniu massa resuns positivs. Sche la damonda vegn aunc pli gronda ponderein nus da far ina varianta cun nies logo da fatschenta e quellas hartas savessen nus lu vender. Ei fuss era pusseivel da far ina versiun tudestga. Forsa realiseschel jeu era enzacu novas hartas da jass. Pusseivel ch'ils giugs en niev vestgiu ein in product da nischa per noss'interpresa giuvna, tgisà?», manegia Ramona Deplazes ed ei para che la creativitat e las ideas maunchien aunc ditg buca ad ella.